

Auguri a don Simone

Som content de vegh l'ocasion
De fagh i auguri al nost don Simon,
L'è pret de fresc : on pret noel !
E per mi 'l resta propi bel
De passà 'l testimoni in di so man,
Mi che pret som giamò da sessant'an !
Adess tocarà a lu dass de fa
In la vigna 'n doa 'l Signor l'ha ciamà.

Oh! Mi l'è no che se tiri de part,
Per num pret gh'è n'è mai de scart
Quel che podi sutarò a fal
E 'l bon Gesù sutarò a pregal
Per 'sti gioin ch'abien no a scoragiass
Ch'el coeur el tegnen cald, no de sass !
Che poden sarà i oeucc ogni sera cuntent
No d'avè fa gran sucess cont la gent
(Che questa l'è domà grazia del bon Gesù)
Ma de vess guardà e voru ben domà de Lu.
Quest l'è 'l segreto de la nostra energia
Che persin in mez i cros me met alegria !

Te'l 'sicuri, me car don Simon,
Te'l disi mi che de cor som pu bon :
La strada l'è longa, l'è dura : ma come l'è bela !
Anca num com'i Magi de la fed gh'emm la stela
Che me tegn fiss el coeur su de Lu
Cuntent de spend la vita pel nost car Gesu !

Don Arnaldo